

20. 10.
DISPUTATIO MEDICA,
De
SCORBUTO

Quam
CUM DEO

P R Æ S I D E

Clarissimo atq; Excellentissimo Viro,

Dn. DANIELE SENNERTO,

Phil. & Med. D. Facultatisque Med. P. P.

Ac Seniore,

Publico Medicorum Auditorio Examinandam

Proponit

MATTHÆUS BRENGGER

Augustanus.

Ad diem 5. Maij.



VV I T T E B E R G Æ

Ex officina Typographica hered. Joan. Richter.

ANNO cło lxc XX.

Iisdem à diversis, quas afficit, partibus etiam **Scorbutus** & **Scorbein**/ à vacillantibus & laxis dentibus ac gingivis, languidisq; cruribus: & ab horum maculis puniceis etiam **Blaschuit** nuncupatur. Græcorum *συμακία* & *σπελοτέρβη*, quas & *Plin. l. 25. c. 3.* recenset, si non eadem cum Scorbuto sunt, magnam tamen cum eo cognationem habent. Magni lienes Hippocratis & ejusdem volvulus Hæmatis, l. de Internis affect. descripti Scorbuto plarisque signis, tam appositè conveniunt, ut *Langius l. 2. Epist. 14.* & *ex eo Greg. Horstius* eundem planè cum Scorbuto esse affectum asserant.

Hujus Natura ut pateat, ejus aliqualem non quam volebamus, Definitionem, sed quam poteramus Descriptionem hanc ponimus:

II.

Definitio.

Scorbutus est Humoris Melancholici, ex deficiente coctione & πνευματώσει salis esculenti, geniti, & in primis viis, Mesaraicis videlicet circa lienem accumulati, & præter naturam detenti corruptio peculiaris; multifariâ lesione varios hominis partes invadens & crucians.

*Genera-
tionis mo-
dus.*

Generatur frequentissimè apud Hollandos, Seelandos, Danos, Swecos, Germaniciq; maris littus incolas &c: His enim cum causa præcipua, à quâ ut plurimum oriri solet hic affectus, nunquam desit, non potest non esse familiarissimus. Nam aère victusque ratione utuntur, crassâ crudâ, sale culinario, fumo putredine corruptâ, cæterarumq; non naturalium rerum usus ut infra patebit, omnis talis est, ut ad Melancholici humoris generationem plurimum faciat. Quæ vivendi ratio incommoda, optimam etiam corporis constitutionem, statu suo deicere potest. Alimenta enim ejusmodi, magnâ ex parte *ἀνεπιτήδεα, ἀνεπηγὰ καὶ ἰσχυρὰ*, ut vocat *Hip. l. de Prisca Med.* tantâ copiâ quotidie assumpta, ita naturam prægravant, ut etiam à satis valido aliâs, corpore, coctriceque virtute in iis pro viribus laborantè vinci tamen & concoqui non possint. Unde viscerum, coctioni dicatarum facultates tandem succumbentes,

bentes, paulatim debilitantur, depravantur & quotidie ad exquisitam ciborum elaborationem ineptiora redduntur. : quâ ratione coctio & *πρωτότης* illa, quâ omnia assumpta fermentare & quodammodo spirituaſcere, ut ſic loquar, oportet, impeditur, ut ſal eſculentus, fixusq; tartarus copioſe iſtis cum cibus ingeſtus, fixam ſuam naturam deponere & volatilis atque animalis fieri, ut debebat, non poſſit, & partes impuræ, inutiles, ac tartareæ, ut à Chymicis appellantur, ab utilibus & puris probe ſeparari nequeant.

Unde non tantum nutritionis opus depravatur ac fine ſuo fruſtratur aliqua ratione : ſed etiam ſal ille fixus ac pertinax, cum à liene omnis attrahi non poſſit; tam ad nutritionem quàm ad excretionem, naturæ conſuetam adhuc ineptus, primis viis otioſe adhæret, cūq; propter cauſæ, quæ hunc producere ſolet, continuationē, ejus copia augeatur quotidie; ſit ut anguſtiores Meſaraicarum meatus magis magisq; eâ obſideantur. Sali huic alii humores obvii quivis, crudi ſæpè ac vitioſi, cōjunguntur ac permilcentur: Aquibus omnibus Melancholicus ac tartareus ille humor ad ſcorbutum neceſſarius, producitur, qui in primis viis p. n. diutius detentus, ulterius corrumpitur, uſq; dum tandē diſpoſitionem pravam contagioſam Scorbuto peculiarem, acquirat. Humor hic tartareus, ſpecificè corruptus, multo ſero dilutus, ubi cum ſanguine conjungitur, cum eodem non tantū in venas & arterias, ſed & ex iis in varias corporis partes, etiam muſculos, tendines atq; articulos &c. effunditur. pro quarū ratione mirâ ſymptomatum varietate, ægros torquet. Namq; ubi in habitum corporis extra venas elabitur, cum neq; corpori aſſimilari, neq; excerni commodè queat, otioſe ibi hæret, partium nutritionem impedit & gravat, corpus enervat atq; elumbe reddit &c. Quod ſi malignus falſi hujus ac ſpecificè corrupti humoris vapor ad gingivas cum Sanguine aſcendit, mollem teneramq; eorum carnem ſubit, eamque ſuâ raritate laxum in tumorem attollit, falſâ v. acrimoniâ ſuâ arrodit, unde pruriginofa quædam titillatio in gingivis ſequitur, quæ etiam levi attritu rimas agunt, & ſanguinem ſeorſum emittunt. Quâ de cauſâ eadem caro tandem flacceſcit ac putreſcens diffluit & à dentibus recedens, eos vacillare atq; ex ore planè elabi facit.

Si natura adhuc robustior sit, ut humorem hunc superfluum ac tartareum ad partes corporis remotiores atq; ignobiliores depellere possit, vena cava per ramos crurales fero mediante, ad crura eum deducit; unde vel per *Διὰ πύθων*, vel *ἀνασώμασι*, vel aliâ ratione, pervenulas exiles & capillares ut plurimum ad superficiem cutis cum sanguine dimittit, & hâc ratione maculas primùm rubras recente quippe adhuc sanguine, paulatim tamen ad purpureum lividumq; colorem accedentes, producit; aut alia viâ humorem falsum ac tartareum ligamentis ac tendinibus, (ad quos *κατ' ἐφεσιν* quandam teste *Aristot. 3. de part. Animal.* glatinosæ atq; crudiores sanguinis partes feruntur,) & ipsæ musculorum substantiæ communicat, eamq; erodit, crurum languorem atq; imbecillitatem & nonnunquam dolores podagricos efficit: Atq; si fixus hic tartarus majus adhuc incrementum in crurum vinculis sumat atq; insuper à fero, cui liquidus inhærebat tartarus, deseratur, paulatim pro suâ natura exiccari, indurari & coagulari incipit, unde crus rigidum redditur motuque ferè privatur, & paralyseos quandam speciem mentitur.

Eadem ratione alia quoq; mala obstructions, tumores, dolores, erosiones, ulcera, & sexcenta alia ex hisce propullulantia mala hinc inde Scorbutus gignit: quæ omnia recensere prolixum nimis ac proinde instituti nostri non est, atq; ab aliis autoribus prolixè, in primis à Severino Eugaleno, recensentur.

Et ita quidem de Scorbuti generatione sentimus, non sine causa, ut ex sequentibus patebit.

Non autem hæc proponimus, ut cuiquam ea obtrudamus, sed cum verisimilia nobis videantur, eum saltem in finem adducimus, ut ansam habeamus, in hæc & similia accuratius inquirendi, veritatemq; in profundo sepultam quasi, facilius eruendi.

III.

Subjeñ.

Ex dictis, quid de Subjeñto Scorbuti proprio sentiamus, facile patet: hoc enim primas vias, Mesaraicas videlicet, circa lienem præsertim esse dicimus.

Plurimq; equidem qui de Scorbuto scripserunt, lienem primario affectum esse, & ex ejus solius laesione, reliqua omnia dependere, mala contendunt. Nos autem ipsorum calculo ex toto subscribere vix possumus: cum illud viscus, quod suo munere, in Scorbuto, sæpius legitimè fungitur, hujus mali reum talem facere non liceat. Quamvis enim lienem in Scorb. sæpè etiam per se affici, ejusq; facultates, in attrahendis & elaborandis humoribus chyli rudioribus, scopum suum ex toto non attingere haud inviti concedamus, semper tamen id fieri ac proprio lienis vitio splenicæ operationes in omni Scorbuto impeditas esse non sine causâ negamus. Cum enim præter alia, Anatomica, Cadaveris, scorbuto extincti, inspectio, lienem, hunc in finem studiosè investigatum, sanum, integrum, nullâ vel obstructione, vel aliâ dispositione pravâ, corruptum ostenderit; splenem semper κατ' αὐτοπάθειαν affici, & proprium ejus subjectum esse non posse manifestum est: & propterea, quod lienis operationes debitum perfectionis gradum sæpius non assequuntur, non ob propriam debilitatem atq; depravationem id fieri censendum est. Nam quemadmodum ventriculus, etiam optimè constitutus, & omnibus facultatibus instructissimus, coctionis suæ officium probè absolvere atque perficere nequit; si concoquendi materiam aut multam nimis, aut alienis & noxiis qualitatibus infectam recipiat: ita quoque lien, qui rudioris chyli portionem aliâs naturâ suâ allicere solet, hîc crudi feculentiq; falsi ac tartarei humoris in Mesaraicis præter naturam aggregati, nimiam copiam, nec omnem, neque sibi vicinisq; partibus pro nutrimento satis commodam, sed vitiosam in viis proximis pravâ ac specifica qualitate corruptam attrahit, non suâ culpâ; sed saltem ob materiæ conditionem & abundantiam. Fit equidem non rarò, ut contactus & fumi humoris specificè corrupti sine intermissione attracti similem corruptionis formam lienì imprimant, ut & is tandem in contagii communionem consentiat, & scorbuticam dispositionem induat. Veruntamen quia nō primò nec semper & in omni scorbuto lien ita afficitur, subjecti proprii nomē sustinere nō potest. Aliâs n. & alia viscera, & nunc hanc nunc illam corporis partem,

tem, scorbutica corruptione infectam pro subiecto primario ac proprio venditare oporteret, quod facile nemo fecerit. Reliquum ergo est, præcipuam scorbuti materiam, non licni sed primis viis semper ac primario in hæreere statuamus. In his n. quando fecum hujusmodi salzarum ac tartarearum copia non major colligitur quàm quantam lien allicere ac superare potest; benè se res habet; illæq; hujus beneficio à superfluis fecibus satis expurgatæ locum Scorbuto nullum concedunt. Sed tum demum idem sequitur, quâdo nimia succi attrahendi copia in iis cumulat, quam neq; attrahere neq; concoquere splenicæ virtutes possunt.

IV.

*Causa
proxima.*

*Causam Scorbuti proximam ponimus humorem
Crudum Melancholicum ichorosum specificâ qua-
dam corruptione peccantem.*

MELANCHOLICUM HUMOREM in specie cum *Salom. Alberto de Scorb. rh. 61. VVeiero de morb. incogn. p. 3. Eugal. p. 3. Forest. l. 20. obs. 11. &c.* ponimus, quia hujus abundantia cognoscimus partim ex causis externis alimentis sc. quæ scorbutum producere solent, quæ omnia ad nullum alium humorem tantâ inclinationem habent, quàm ad Melancholicum, & proinde in eum facilius quàm quemvis in alium transeunt: partim ex effectu, symptomatibus sc. Melancholicis, quæ hunc humorem arguunt, atque semper magno cum sunt &c. languore, ac tristitia insigni conjuncta, &c. CRUDUS autem est humor, quia crudiores chyli partes ab utilibus coctione elaboratis, non probè avertuntur, sed simul ad epar deferuntur, unde ejus *assimilatio* impeditur, sanguisq; in venis ejus depravatur, alienæ materiæ cômistione, quæ copiosè nimis in Mesaraicis colligebatur. PECULIARI verò CORRUPTIONE DEPRAVATUM esse dicimus: quia fieri non potest, quin illa materia cruda & ad alterationem sive concoctionem perfectâ inepta tam diu in loco, omnibus alimētis pervio, detenta & variis qualitatibus alterata, tandē qualitatē induat alienam: quod fieri hîc præter alia contagiū docet. Cum n. pleriq; morbi contagiosi à causâ aliquâ malignâ & occultâ quæ sub minimâ quantitate magnam, agendi sibiq;

sibi que similia generandi, vim habet, oriantur; etiam Scorbutum, qui alteri, levissimo sæpe contactu facile communicatur, à malignitatis nota liberare non possumus. Et sanè tanta symptomatum diversissimorum diversitas vix ab eadem causâ manifestâ oriri posset, nisi occulti quid accederet. Licet enim, partium diversitas magnam, symptomatum, ab eadem causâ etiam manifestâ, prodeuntium, varietatem causare possit: cum tamen affectus in eadem parte diversos, oppositos, quin imò uti videntur, contrarios haud rarò excitare scorbutus soleat; non videm⁹ quomodo ab occulta & specificâ aliquâ corruptionis labe eundem defendamus.

V.

*Generatur autem humor hic Melancholicus Causa an-
specificè corruptus ex deficiente coctione Ἐ πνευ-^{cedens.}
ματῶσιν salis esculenti Ἐ ciborum crassiorum.
Hæc enim de causa humor crassus, salsus, fixus, ac
tartareus in primis vijs accumulatur exituque de-
negato peculiarem postea corruptionem induit.*

Περὶ γὰρ μέν Scorbuti hanc esse non sine causa assignamus. Cum enim ad omnem curationem haud parum faciat, ut in conspectu habeatur non tantum in genere humor peccans; sed in specie determinetur, unde originem ducat δυνάμει illa Hippocratica, cuius *Cl. D. Præses l. 2. Inst. p. 2. c. 3.* meminit, quæ excessu suo hominem afficit; quò legitimum ac determinatum ei remedium opponi possit: etiam in Scorbuto penitus causam rimari, & originem δυνάμει illius καὶ ἀπόρρῃσι, quæ in ea maximè excellit investigare ac determinare, ei⁹ contrarium opponere remedium ex usu erit.

Si autem præter alia causas eius remotiores, passim ab omnibus de Scorbuto tractantibus annotatas, & curationem usitatam exactius pensitemus, omniaque diligenter examinata invicem conferamus, acquiescere in humore Melancholico indeterminato vix possumus. Neque enim *Ut in tract. de febr. lib. 2. cap. 20. p. 572. Crariss. Dn. Præses* refert huius naturam primari

qualitatum alteratio atque mistio absolvit, Cum in his ne ipse quidem Hipp. subsistat, sed tum alibi, tum 3. *de ratione victus in acut. t. 38.* ulteriorem, eius naturam indagandi ansam, præbere voluit ubi de acido, de amaro, de fermentatione & generatione humorum falsorum in corpore nostro quædam injicit, unde non tam ad primas qualitates quàm ad diversas salium naturas in eius generatione respiciendum esse videtur.

Inter causas *προκαταρτινὰς* atque externas à rebus non naturalibus dependentes, præter alia, omnes uno ore aërem marinum crassis salsis squalidis vaporibus imbutum, cibum ac potum crudum crassum, feculentum, putridum, multo sale imprimis conditum, fumo induratum &c: recensent: quæ omnia, non tantum ab omnibus ad victus rationem Melancholicam referuntur; sed etiam penitus eorum conditiones introspectanti ulterius quid suggerere videntur. Determinant quippe huius humoris Melancholici naturam, & qualis sit manifestum reddunt.

Cum enim manifestum sit hisce in alimentis siccis, duris putridis, succi partes humidiores, aliquomodo volatiles, & quæ probum corpori alimentum præbere possunt, aut naturam suam paucissimas inesse; aut vel sale quo condiebantur multo corruptas, vel putredine depravatas vel denique fumo absumptas & exiccatas esse; ut nil ferè nisi fixum quid, excrementitium, *ἀνεπτόν καὶ ἰσχυρόν* deprehendatur, ipso gustu vix quicquam tanto, quam sale fixo, excessu referens, non sine causa ab hoc ipso sale fixo humorem Melancholicum maximam ex parte ortum ducere statuimus. Cum præsertim idem Medicamentorum quibus scorbutus curatur, qualitates, evincant.

Nam quæcunque hætenus, non nisi multiplici experientia huic morbo resistere, eiusque sæva symptomata lenire, ac pellere observata, & occultam ac specificam quadam proprietate magis, quàm manifestis viribus id præstare credita sunt, omnia in eo conveniunt, quod sale volatili abundant: cui soli effectum felicem maximam partem merito adscribimus. (nisi forsan occultum quid, specificam humoris depravationem, respiciens

respicienti simul operetur, id quod non omnino negamus) cum enim id, quo præsente & operante, morbus pellitur, absente verò idem immotus manet, sanitatis secuturæ causam primariam jurè optimo statuamus; sale volatilem in medicamentis contentum ab hac excludere nequaquam possumus. Nam omnia medicamenta, etiam efficacissima in alijs effectibus, qui cum scorbutico sæpè magnam cognitionem habere vulgo videntur, si sale hoc volatili omninò destituantur, sola parùm aut nihil in scorbutico faciunt: imò malum sæpius augent, magno ægri cum incommodo; ut accuratissimus symptomatum scorbuticorum observator Severinus Eugalenus passim annotavit, nisi sale hoc abundantia, quæ appropriata ille vocat, admisceantur, aut jam antea usurpata fuerint. Hæc ubi in usum venerint, otium non agunt in corpore, sed causam morbi potenter aggrediuntur, & quantò magis sale hoc abundant, tantò feliciorum ac celeriorum sortiuntur effectum: quò verò minus continent eiusdem, eo debilius operantur.

Abundant autem sale hæc omnia quæ ab authoribus plerisque appropriata & specifica antiscorbutica vocantur: qualia sunt imprimis cochlearia, Nasturtium, Absinthium, fumaria, chelidonium minus bekapunga, armoracia, sinapi &c. quæ omnia, trita vaporem subtilem acrem citò evanescentem ut plurimum spirant, & qualitates tales etiam ipso gustu exhibent, quemadmodum & omnia alia quæ hoc nomine apud authores veniunt.

Quod autem medicamenta hæc non tantum occultis vitibus, sed beneficio salis volatilis effectum hunc præstent, ex eo facile colligitur: quod eadem vase aperto decocta, aut exiccata de viribus suis haud parum remittant, & succo eorum recens expresso, aut destillato, ut sæpè observavit Eugalenus, plurimum efficiaciæ cedant: cum in illis partes volatiles, proindeq; & sal aut igne absumptus sit, (quod præter alia, penetrans, qui inter coquendum exhalat, odor docet) aut una cum humido exiccato evanuerit: cum tamen vires occultæ aliàs etiam in siccis integræ maneat, ut ex rhabarbaro, mechoacanna, Angelica alijsque manifestum est:

In succo verò recenti aut destillato, ut & conservâ, sal ille subtilis adhuc integer, proprioque in humore pleno robore habitans, munus suum potenter exequitur.

Cum autem, ut ex dictis constat, omnia antiscorbutica, quàm diu talia manent, salem volatilem copiosum continent, & quantum de eo amittunt, tantum suis de viribus perdant, facile patet proprietatem illam hæcenus à Medicis vix satis determinatam passim tamen ferè decantatam, maximam partem in sale volatili consistere.

Quia autem secundum Hip: morbum Curatio indicat, & omnis actio fit inter contraria & à contrarijs, ut habet *Arist. l. 1. de gen. c. 7. text. 50. 51.* & agens eatenus in patiens agit, quatenus ei contrarium est; sequitur etiam salem volatilem vires suas exercere in id, quod sub eodem genere proximo ipsi maximè est oppositum. Opponitur autem inter salia volatili fixus, proindeque ab eodem suâ naturâ in congressu oppugnatur. Ex quibus colligitur, omnia antiscorbutica, cum beneficio salis volatilis hoc in affectu tam sint efficacia, causam Scorbuti ideò invadere, oppugnare atq; expugnare, quia illis est contraria. Si ergo contraria est sali volatili, utique à sale fixo depêdere eam, necesse est.

Cumulatur autem sal ille fixus in primis statim vijs, ex defectu coctionis, tum primæ, tum secundæ. Cum enim natura per coctionem id intendat, ut alimenta in ventriculo variè resoluta & mista humanæ naturæ consentanea reddantur, necesse est ut partes impuriore ab utilibus, separentur: quâ de causa prima statim coctione, partes maximè excrementitiæ, & nullâ ratione utiles secernuntur: eæ verò, quæ ad alendum corpus idoneæ sunt, in ventriculo & intestinis, propriâ ipsorum vi, in chylum elaborantur: qui cum nondum eam habeat similitudinem ut humidum radicale reficere possit, ideo jecori tanquâ sanguinis officinæ communicatur; partibus ichorosis & Melancholicis adjumento lienis prius averfis & separatis, ubi *χυμος* ille succus, sanguis videlicet producitur, reiectis excrementorū reliquijs partim per vesicam bilariam, atque meatum *χολόδοχον* ad alvum, partim renibus mediantibus ad vesicam

eam urinariam : ubi interim lien, attestante *Platero l. 2. tab. anat. & Bauhino l. 6. Theatri Anat. c. 43. & c.* sanaque ratione consentiente, operam suam navat in elaborandâ crassiore chyli portione; quam mediante sero copioso, quo antea diluebatur & ad fluxum præparabatur, proximis è vijs attraxit *ut ex Aristotele & Hipp. collegit. Horstius Exer. 1. de scorb. thesi 8.* In hoc enim latet humor hic feculentus & crassus, *ut ex Hipp. & Gal. docet Clariss. Dn. Præses. Instit. Editione 2. l. 2. parte 2. c. 8.* non secus ac in lixivio, in quo sal & feculentæ atque adustæ partes ita aquæ miscentur ut non statim animadvertantur; levi autem resolutione separari & ad oculus demonstrari possunt. Officium ergo hic suum lien præstat in alterandis & in sanguinem, concoquendis, ichorosis ac Melancholicis chyli partibus, acetosis & ponticis qualitatibus Salis vitriolati & aluminosi naturam referentibus, præditis.

Notandum autem quod separatio hæc partium heterogenearum atque excrementorum fieri nequeat, nisi beneficio cuiusdam *πνεύματος* seu fermentationis, quam ad omnem coctionem semper tanquã necessariam adhibere natura solet. hæc omnia volatilia redduntur, ut eo facilius corpori assimilètur, proindeq; vix quicquam salis fixi in coctione rectè sese habente generatur. Apparet vis fermentationis in vino, cerevisia, musto, è pyris, pomis, alijsque fructibus expresso: quæ omnia ante fermentationem, crudiora, impuriora, ac proinde minus solubria sunt, fecibus quippe adhuc conjuncta; Ubi autem fermentare incipiunt, tum demum eorum *πνεύματος* satis luculenter in conspectû prodit: omnia quippe quasi suis cû excrementis pugnâ quâdam inivissèt, majorem in molem asurgunt. Dum autem hæc omnia ita spirituaſcunt, ut sic loquar, nihil aliud agunt, quam quod feces à corpore puro secernant, corpus verò ipsum exaltent ac perficiant.

Talem *πνεύματος* aliquo modo, etiam humano in corpore coctio molitur, ubi vel maximè salem fixum in alimentis resolvere atque volatilem reddere conatur.

Et hoc quidem apparatu pro elaborando sanguine bono corporisq; nutritioni commodo, natura sano in corpore utitur.

Secus autem in Icorbuto accidit. In hoc enim ob' crassam & crassam victus rationem, in fermentatione, sine qua perfecta esse coctio nequit, πνεύματωσις esculenti salis copiosissimè in hisce cibis contenti, deficit aut imperfecta est & sic etiam eius τελείωσις ὑπὸ τῆ φυσικῆ καὶ οἰκίᾳ θερμῇ frustratur. Laborat equidem naturæ robur, ut abundantem eius σωματώσιν corrigat, & spiritualement quasi atque animale reddat : sed tantà eius multitudine defatigatur, tandemque superatur, ut maiorem, quàm par est, eius portionem fixam atque crassam in corpore relinquat : Cuius generationi ampliori, cum occasio, causaque sufficiens nunquam desit, eius copia quotidie augetur. Quò autem maius hoc incrementum sumit, eò minus à naturæ viribus copià obrutis ac paulatim debilitatis, vinci potest.

Cumulatur ergo sal hic in mesaraicis, quas transgredi ipse suis viribus non potest ; nisi proximis à visceribus alliciat. Ab epate verò attrahi sine incommodo non potest, cum ad sanguinis purioris generationem propter crassitiem minus sit dispositus, & is subtiliores tantum chyli partes, tanquam sibi familiares & commodas naturaliter appetat : & si aliquando de rudiori illa chyli parte aliquid præter naturam attrahat ; sanguis ex eo non nisi vitiosus, ad nobiliores partes alendas minus aptus generatur : ex quo varia exsurgere corpori incommoda possunt, ut supra dictum. Quare, lien hæc reliquias evacuandas ac præparandas relinquit, qui illas officij ratione allicere & ab epate avertere conatur. Quia verò, ut supra de scorbuti subjecto dictum, lien naturaliter non plus humoris attrahere solet, quam pro sui vicinarumque partium nutritione sufficit, quantumque in sanguinem transmutare commodè potest, hic autem salis fixi tartareorumque humorum multò major copia aggregata est, quàm aliàs in corpore rectè disposito natura admittere solet, illam omnem splè sine suo incommodo exhaustire non potest. Ergo necesse est ut mesaraicis, quas egredi non potest, inhæreat, eiusque quantitas indies augeatur.

*Causa hæc πρῶτον & μέν oritur ex usu deprava- Causa ex-
to rerum non naturalium, quæ causas Scorbuti ex-terna.
ternas suppeditant. Talis est Aer frigidus, crassus,
squalidus, vaporibus marinis impuris &c: inqui-
natus.*

Quantam vim in Offendendis visceribus Aer talis obtineat, docet Hippoc: tum alibi tum lib. de Aere aq. & locis, ubi in uliginosis terris lienes excrefcere scribit: Non alia de causa quàm quod in illis aer crassus noxijsq; qui simul inspirando hauriuntur, vaporibus, corruptus est. Et in specie ad hunc affectum eundem plurimum conferre, ratione atq; experientia edocti, asserunt *Weierus de Scorb. p. 3. Eugal. p. 2. Reusnerus de Scorb. exerc. 4. p. 157.* quatenus eodem humores confunduntur, spiritus inficiuntur, corpusque deses & elumbe redditur: testante *Horstio Ex. 1. de Scorb. rh. 13.* Unde fit ut Scorbutus, locis maritimis & uliginosis alijs, ac imprimis peregrinantibus, mare longo itinere transeuntibus admodum fit familiaris.

Huc si victus ratio ascedat Melancholica ex succa cruda, crassa, seculæta, & uno verbo sale fixo abundans, plurimum ad dicti morbi generationem confert.

Nam cum cibi ac potus usum vix ulla die intermittamus, ad calidum innatum, quod in corpore animalis continuo fluxu absumitur instaurandum; magnam alterandi, & si vitiosis sit, vires debilitandi, corpusq; destruendi vim, eundem obtinere oportet. Observavit hoc sæpius Galenus, & inter alia 2. ad *Glauc. c. 10.* recenset plurimos in Alexandria Elephantias corruptos fuisse, qui farinam elixatam, lentes, cochleas, carnes afininas & alia quedam, quæ humorem crassum ac Melancholicum generant, comederunt. Et *Hippoc. l. 6. de morb. vulg. sect. 4. tex. 11.* refert, quod in Aeno, qui continenter leguminibus vescebantur, crurum impotentiam afflicti fuerint, in eamq; perseveraverint, & qui ervo in cibum utebantur, ex genuum dolore laboraverint.

Infelix huiusmodi ciborum effectus satis se luculenter in Scorbuto etiam prodit. Fœcundum satis huius semen profert, omnis cibus frigidus, exuccus, crassus, præsertim semicrudus devoratus. PANIS NAUTICUS bis coctus vetustate induratus atque corruptus, mucidus: CARNES quas Galenus 3. de loc. aff. c. 7. Melancholicum sanguinem efficere asserit; quales sunt bubula, caprina, hircina, leporina, aprugna; lardum; PISCES lacustres, Marini, concoctu difficiles ac pravi succi: VOLUCRES aquis stagnantibus gaudentes. Quæ omnia si putrida, rancida, fumata, ut in navigationibus ferè esse solent, & imprimis sale vel aceto (acetum enim uti Mors est Cholerae, ita Melancholiae vita, secundum Hipp.) imbuta, ut ita Majorem Spiritus figendi vim habeant, ad scorbuti generationem, eò magis conferunt; ut aliquoties monet *Reusnerus exerc. 4. de Scorb. & Weierus pag. 4. obs. de scorb.* Quà de causa nautæ septentrionales vix diuturnam navigationem suscipiunt, nisi remedijs contra scorbutum instructi sint. EX OLERIBUS huc referenda est brassica; ut & lentescis, pisa, faba ac plaraque legumina alia. Idem de caseo antiquo censendum est. Quæ cuncta, uti pauci ut plurimum sunt alimenti; ita excrementitio humore scatent.

Nec postremum locum hic obtinent referente Eugaleno pag. 2. AQUÆ frigida, graves, crassa, impura, cruda, subsalsæ; quibus Hollandi toto maritimo tractu ferè utuntur. Sensit hoc integer Cæsaris exercitus, cuius *Plinius lib. 25. Nat. hist. c. 3.* meminit, qui ex aqua fontis cuiusdam mari vicini hausta, in *σομακάνην* ac *σκελοτύρην*, dentibus cruribusque resolutis magno suo in commodo incidebat: VINA crassa, nigra; quæ etsi Majorem nutriendi vim habeant, tamen quia propter crassitiem difficilius concoquuntur, tardiùs distribuuntur, *Gal. 3. de facult. alim. c. 40.* ac diutius in ventriculo hærent: facile ab eodem si is paulò debiliior sit, corrumpuntur & acescunt, maximè ubi pendula sunt & ob impuri tartari ebullitionem lentorem quandam contraxerunt. Imprimis magnam hinc vim habet CEREVISIA crassa, turbida, non probè cocta, nec bene defecata & nimis recens: præsertim, quando, uti sequenti-

bus verbis testatur *Herfius de Scorb. Exerc. 1. lib. 14.* cum pauco lupulo confecta, qualitates eas acquirit, quas ei Dioscor. 1. 2. cap. 29. tribuit, ita ut præter alia nocumenta flatu malosque in corpore humores accumulet, quæ aliâs additione lupuli salictarii corriguntur, qui aperiendo abstergendoque crassitiem obstructionis causam corrigit, adeoque sanguinis defecationem excrementitiarum partium separatione, adjuvat. Porro plurimum interest, num rectè præparetur maltum, ex quo cerevisia coquitur, tum maceratione, tum etiam digestionem atque exiccatione, quo flatulentæ qualitates deponantur, & verus spiritus nutriens ob impedimenti corporeis aliquo modo liberetur. Ubi contrarium accidit, impurior cerevisia coquitur, quæ qualitatem acquirit deteriore, & cruditates atque obstructions intensius generat, ubi ad satietatem deferbere non permittitur, & crassioris lixivii nuper fusi faciem referens, *ut inquit Reusnerus de Scorb. Exerc. 4.* remanet, unde sedimentum cerevisiæ tartareum aquositate ejus dilutum simul hauritur, & concoctionum officinas malignitate sua inficit.

Tota hæc victus ratio, non solum excrementitias ac Melancholicas humiditates in corpore producere copiosas solet: sed etiam *πύλινος* in omni coctione naturali necessariam, potenter impedire valet: quatenus scilicet ob fixum ac pertinetem tartarum, naturæ vim, qua omnia spiritulalia quasi ac volatilia reddere conatur nimis validè reprimat, & ab opere suo avocet, eundem in mesenterio aggregat, proindeque ad causam Scorbuti antecedentem, quam supra posuimus generandam, magnum addit momentum, ut ibidem prolixius videre est.

IIX.

Huc pertinet corporis motus, deficiens, vel excedens, vel etiam tempore incongruo adhibitus.

Nam motus planè omisus, calorem coctionis authorem obruendo ac suffocando quasi debilitat, corpusque elumbe reddit: Contra nimis eundem resolvit ac dissipat, imprimis post cibum sumptum. Tum enim à coctione eum avocat, & ad cor-

poris superficiem propellit, unde cruditates prodeunt, circa nutritionis viscera humores excrementitios accumulantes, quæ anam Scorbuto præbere possunt.

I X.

Faciunt hîc etiam aliquid evacuationum consuetarum mensium, hæmorrhoidum, &c. suppressiones.

Ut annotavit *Wejerus Engalenus & alii*. Sanguis enim excrementitius in corpore p. n. detentus facile corrumpi, incrassari, & obstructions & alia mala causare potest. Idem quoque de alvi suppressione censendum.

X.

Somnus & vigilia huc etiam momenti quid conferunt si sint immoderate.

Ille quidem, crudos in corpore succos auget, visceraque prægravat, teste *Gal. l. 12. Meth. Med. c. 3*. Hæ autem excedentes plarumque cum aliqua animi intentione ac tristitia conjunctæ sunt, atque exiccando calidum innatum *secundum Galenum 3. de Caus. pulsuum* debilitant atque absumunt, ut ad concoquendas & tollendas cruditates non sufficiat.

X I.

Inter animi motus omnes maximè hîc locum habet Tristitia.

Hæc (ut & reliquæ causæ, modo enumeratæ) partim ad producendam causam antecedentem confert, dum spiritus vitales minuit, eorum generationem impedit ac depravat, calorem coctioni destinatum, ab eâdem revocat, & ad profundas ac Melancholicas meditationes eo abutitur, & hac ratione crudum, glutinosumque succum, circa nutritionis viscera coacervat: partim verò præincipientis causæ rationem habet, quatenus *ωγενής ψήν*, in corpore jam generatam & occultatam movet, irritat, & ad causam proximam deducit.

X II.

Ut autem Scorbutus rectè cognoscatur, & ab aliis

aliis affectibus distinguatur, signa ejus probè attendenda sunt. Hæc enim nisi sedulò perpendantur, atq; invicem & cum causis suis conferantur, certi quid vix suppeditabunt.

Signa enim Scorbuti propria pauca nimis sunt, plæraque aliis affectibus communia. Pathognomonicum omni & soli conveniens vix reperitur. Præsertim verò in principio ipsius, ubi nondum confirmatus est morbus, non nisi plurium signorum collatione, observatâ insuper vicius ratione &c. in ejus cognitionem deducimur. Ubi verò altas jam radices egit, haud rarò signis satis manifestis in conspectum prodit; sæpissimè tamen alios affectus mentitur; & vix ullum morbi genus est, quod non imitari scorbutus soleat, signis quandoque admodum appositis, quibus doctissimis sæpe, ac probè exercitatis aliàs Medicis imponit, eorumque industriam variis modis illudit. Repræ- *Affectus*
sentat enim febres intermittentes, inordinatas, quotidianas, tertianas, quartanas, quinto vel sexto die redeunt, pestilentes; al- *quos Scor-*
vi constipationem, diarrhæam, lyenteriam, dysenteriam, inanes *butus fu-*
vomendi conatus, asthma, motus convulsivos, arthritidem, pa- *catis notie*
ralysin, epilepsiam pleuritidem, hydropem, atrophiam, Lipo- *mentitur.*
thymiam, carum, lethargum, delirium, erysipelas aliosque plurimos affectus, fallacibus notis promit, ut præter alios diligentissimè annotavit Eugalenus tractatu de Scorbuto. Quæ tamen plæraque usitata eorum quos repræsentat affectuum curatione non tolluntur; sed potius propter causæ diversitatem sæpe exasperantur.

Quomodo verò ab unâ Scorbuti causâ tot tantaque pro- *Cur Scor-*
dire mala queant, non immeritò mirari quis possit. Causam *butus tot*
hujus rei à tribus potissimum dependere arbitramur. Nam *sympto-*
Primò ad hanc symptomatum varietatem, quantum conferre *mat a imi-*
possit partium diversitas, in quas materia morbifica incidit, no- *tetur?*
tius est quàm ut enumerari opus sit. *Deinde* ad eorum multi-
plicationem multum facit occulta qualitas specificæ corruptionis, quæ vel sola ad plures producendos affectus sufficere potest; Imprimis *deniq;* ubi subjecto tam mutabili, quale est humor hic

salsus ac tartareus, à quo Scorbutum dependere diximus, inhæret. Cum enim vix ullum corpus, tam varias, promptius subire formas queat quàm sal; qui instar Prothei mutabilis, nunc terream lapidis siccitatem, crassitiem, duritiem, pondus; nunc aquæ puræ translucidæ perspicuitatem, humiditatem, molli-
 tiem, agilitatem; nunc vaporosam aeris subtilitatem ac levita-
 tem, nunc summam, ignis, penetrandi vim promptissimè induit:
 facile patet, qualitatem illam specificam, jam ante pluribus sym-
 ptomatibus excitandis aptam, cum sale diversimodè alterato,
 conjunctam, multò plures jam affectus producere posse.

*Nota qui-
 bus affe-
 ctus qui-
 dam Scor-
 butici ab
 aliis dis-
 cernun-
 tur.*

Ne ergo hisce affectibus Medicus decipiatur, opus est ut
 eorum signa plura, cum pluribus Scorbuti signis conferantur.
 Sic FEBRES SCORBUTICÆ plæræque ab aliis distin-
 guuntur tum aliis signis, tum urinâ à principio crassâ, rubrâ, sub-
 fuscâ plurimis subsidentiis conspicua, à quibus nihilo clarior su-
 pereminens supra hæc urina extat, sed crassa turbida, & quan-
 doque subalbida persistit *Eug. de Scorb. p. 20. & 41.* Eadem
 purgationibus fortioribus, calidiorumque medicamentorum
 usu exasperantur, deliquium subitum ac suffocationem indu-
 eunt. ALVI FLUOR Scorbuticus à LYENTERIA differt, quod
 cibus non ita crudus ut assumtus fuit excernitur: à DIARRHŒA,
 quod compacta plærumque excreta cibum assumtum copiâ su-
 perant propter acrimoniam causæ morbificæ, quæ excretricem
 plus æquo ad excretionem stimulat; A DYSENTERIA, quod
 sanguis ab excrementis separatus, absque lancinatione egredi-
 tur. Sic ARTHRITIS Scorbutica à vera Arthritide discer-
 nitur, quod in uno loco hi dolores quos Scorbutus facit non
 subsistant; sed errabundi ad alium atque alium ejusdem vel op-
 positi lateris articulum transeant, mox pereant, ac citò redeant,
 topicisq; imprimis de loco in locum fugentur. In PARALYSI
 hujusmodi motus omnis non tollitur, sed aliqua ex parte rema-
 net. Imprimis decumbente ægro, quod in vulgari paralyfi fieri
 non solet. HYDROPS Scorbuticus, tumore non nihil durio-
 re, quique digiti impressionem non adeo facilè admittit, ut ve-
 terem hydrops dignoscitur. PLEURITIS quæ ab hoc affe-
 ctu oritur à vera pleuritide differt, eo quod tussis & sputo plæ-
 rumque

rumque caret, dolor ex intervallo recurrit, cumque febris lenta conjunctus est, cum pulsu parvo molli & inæquali. Et sic de cæteris, quæ omnia accuratissimè suis de Scorbuto observationibus annotavit Eugalenus.

XIII.

In genere autem Scorbuti principia ac rudimenta produnt spontanea lassitudo tensiva, & gravitatis sensus, imprimis circa abdominis regionem sine alia causa manifestâ, crurum enervatio ac dolor obtusus, Pectoris angustia, respirationis difficultas, præsertim à validiore corporis exercitio, Pruriens quædam gingivarum rubedo, Facies pallida ex violaceo, nonnihil livescens, Urina ut plurimum crassa turbida, alba. Quæ omnia, imprimis si crassa victus ratio ac tristitia antecesserit, Scorbuti veredarii sunt.

Signa
Scorbuti
incipien-
tis.

Hæc signa licet singula communia ferè aliis quoque affectibus sint, ac proinde ex uno horum Scorbutus deduci nequeat; tamen ex pluribus conjunctim sumptis, certius quid colligere licet. **LASSITUDO ET GRAVITAS CORPORIS**, seu $\kappa\omicron\pi\ \sigma\tau\omicron\upsilon\omega\delta\eta\varsigma$, ut vocat Galenus l. 3. de San. tuend. c. 5. & 1. aphor. 5. quo tendi quasi membra videntur, causam Scorbuti ex parte arguit, quatenus, ut supra de generatione Scorbuti, dictum; humorem vitiosum ac tartareum, cum sanguine, per venas, in corpus distributum, & musculorum substantiæ communicatum esse demonstrat; qui, cum habitui corporis assimilari nequeat, & tertiam coctionem, ac proinde etiam nutritionem aliquo modo impediat; vires corporis prægravat, unde gravitatis sensus, & ab hoc lassitudo oritur, imprimis in abdomine circa primas vias, ubi primum materia morbifica colligi cæpit. Quâ de causâ sæpissimè languere magis quàm ægrotare, à principio hujus mali ægri videntur.

PECTORIS ANGUSTIA Scorbatica & inde orta
RESPIRATIONIS DIFFICULTAS causæ suæ sedem
non tam in ipso pectore, quàm in abdomine obtinet, in quo,
maximè tamen circa lienem, materia morbifica cumulat; quæ
turgens, tum copiâ, tum malignitate partes vicinas, & inter eas
diaphragma quoque afficit, atque versus pectus & cor compri-
mit, unde molesta respiratio necessariò sequitur: Quâ de causâ
agri de hâc angustia conquerentes, locum affectum non pectus,
sed loca proximè subjacentia, infra septum transversum mani-
bus demonstrant; teste oculato *Eugaleno de Scorb. pag. 7.* Et
Horstio Exerc. de Scorb. l. thesi 17. Per VALIDUM CORPO-
RIS EXERCITIUM, DIFFICULTAS HÆC AV-
GETUR, quia cōmotus humor vitiosus, & motu nonnihil atte-
nuatus, flatus excitat, & sic vehementiori inservit compressioni.
A CRURIBUS, DOLORE OBTUSO, aliquando
tensivo, mordicante, pungente, erodente, tundēte, imprimis sub
noctem, afflictis, sæpe maximum indicium desumi posse testatur,
Eugalenus de Scorb. p. 56, quia à fonte & fomite mali descenden-
tes vapores, crurum musculis, membranis, nervis, aliisque parti-
bus immiscentur, quò fit ut plærumque non continuus, sed per
intervalla molestus sit hic dolor. PRURIENS GINGI-
VARUM RUBOR fit ab affluxu sanguinis serosi, cui hu-
mor seu vapor salsus, adeoque acris permixtus est, quo pruritus
facilius excitare potest. FACIEI PALLOR, & color viola-
ceus ac lividus, causam à quâ oriuntur, facilè indicant, corrupti
scilicet humoris in corpore collecti, atque cruditatis symbolum
præbent, quæ in Scorbuto propter coctionis defectum, semper
esse maxima solet. URINA, ut in omni cruditate, ita & in
Scorbuti principio CRASSA est, ALBA, ac TURBIDA,
nec semper per subsidentiam clarior redditur ob tartari impu-
rioris, in eâdem soluti, admistionem. Hic enim non subsidet;
sed per totum liquorem diffunditur. SÆPE TAMEN VA-
RIAT teste *Eugaleno pag. 66.* & in eodem agro sine alia causâ
evidenti permutatur, atq; nunc turbida & crassa postridie aquea
& tenuis, rursus citrina vel subrubea apparet, satis certò hujus
morbi indicio. Arguit enim causam morbi in varias formas
facilè

facile mutabile. Quod si ab epotis medicamentis huic malo appropriatis, post triduum, aut post biduum ac triduum urinas ex tenuibus in crassas commutari cernas, crasso sedimento subsidentes, teste eodem, de hoc affectu adhuc certior eris. Docet enim medicamentum antiscorbuticum causam morbi sibi contraria, jam in arenam descendisse, eamque movisse.

Ex signis hisce si unum atque alterum adesse deprehenderis, cumque causis suis contuleris, simulque exploraveris, nunquid patiens hæreditario jure ad hoc malum inclinationem habeat; an Cachecticus sit; an versetur cum aliis hoc malo infectis; aut in loco, cui idem familiare & endemium est; an crassa cruda, tartarea victus ratione utatur; an continua tristitia affligatur, &c. multo felicius ad scopum collimabis. Præsertim autem postrema duo, videlicet animi motus, ac victus, hoc loco non minus signi, quam causæ nomen sustinere possunt: adeo ut ipse etiam Eugalenus eos quos cum crassiore victus ratione diuturniorem tristitiam exercere vidit, omnes, scorbuto, aut solo, aut aliis permixto teneri, constanter pronunciaverit, & felici curationis successu conjecturam suam semper comprobaverit.

XIV.

Crescente malo, intumescunt gingivæ laxæ, flaccescunt, sanguinemque serosum effundunt, atque non sine fœtore putrescunt, & nonnunquam simul eroduntur: Dentes vacillant, ut absque dolore ex alveolis evellantur, omniaque signa supra dicta evidentiora ac pejora redduntur: Crura ad corporis onus portandum ineptiora fiunt, non raro quandam quasi Paralyse patiuntur, maculis variis, rubris, purpureis, violaceis, fuscis, magnis, totum ferè crus tegentibus, certo hujus morbi signo, pinguntur; aliquando etiam tumoribus laxis, malignis, aliquando atro-

Signa
Scorbuti
confirma-
ti.

atrophia infestantur, tantâ ut vix ossibus herere videantur.

Oritur GINGIVARUM LÆSIO, ut supra dictum à fumis ac vaporibus malignis, salis acrimoniâ imprægnatis à materiâ morbificâ exhalantibus, & cum sanguine seroso, per venæ cavæ propagines ad venæ exterioris jugularis, gulæ adstantis ramos, quemadmodum pluribus describit *Reusnerus Exerc. de Scorb. 5. p. 277.* penes auris radicem juxta inferioris mandibuli clavum, ad os, fauces, linguam, palatum vicinasque partes, atque adeò ipsam, mollem ac laxam gingivarum carnem ad eos recipiendos aptissimam, delatis, ubi dicta mala producere facile potest, ut apud *Eugalenum, Wierum, Reusnerum* aliosque authores satis prolixè videre licet.

Eadem ratione per ramos Cavæ crurales ad CRURA nunc vapor nunc humor morbificus descendit, & extra venas ad superficiem corporis cum sanguine effusus maculas varias efficit: In musculos verò juncturasque seipsum insinuans pro virium ratione, ac prout ibidem variè alteratur, varios ex dictis affectibus promit, ut etiam supra pluribus innuimus, & ab authoribus prolixè satis demonstratur.

Restat nunc ut ad prognostica, & curationem accedamus. Quia tamen in hisce cum authoribus, qui prolixius de iisdem scripserunt, & satis perspicuè ea tradiderunt, per omnia ferè consentimus; eò breviores in iis pertexendis nos erimus, & paucis ea attingemus.

XV.

Signa Prognostica.

*Malum à principio curatu plerumq. facilè est
sæpè paucorum dierum spatio tollitur, teste Eugal.*

Quia dispositionem pravam visceribus nondum adeo fortiter impressit, nec varias corporis partes tam vehementer occupavit, ut in Scorbuto confirmato, & antiquo, qui ob causam contrariam, curatu difficilior est.

XVI.

*Scorbutus confirmatus, successu temporis: planè
in*

*in Cachexiam, hydropem, tabem, semper autem ferè
in corporis exiccationem atq; absorptionem abit.*

Ubi enim sibi diu relinquitur hic affectus, nec medicamen-
tis idoneis oppugnatur, vitiosam ac corruptam suam dispositio-
nem validè visceribus coctioni dicatis communicat; epar ad
noxios humores attrahendos assuefacit, & sic *malum corporis
habitu* importat; Ichorem, humoribus auctis imprægnatum,
ac flatus, fumis malignis infectos, pro materiæ ratione copiosos
gignit; omniaq; alimenta simili corruptionis labe depravat.
Ichor hic à natura sæpe ad crurum regionem, remotiorem quip-
pe, amandatur; Unde crura, *hydropis quadam specie*, intumescunt,
usque dum humoris copia etiam ad femora & ulterius ascendat.
Sæpius ob coctionis frustrationem, & calorem pravum Cordis,
à fumis malignis Scorbuticis ascendentibus auctum, spiritus ni-
mium incalescunt, habitum corporis exsiccant & absument, at-
que *atrophiā* quandam producant, non nisi antiscorbuticis
curabilem.

XVII.

*Gravius affligit & difficilius curatur Scorbu-
tus in Senibus atq; fœminis, iis imprimis qui à pa-
rentibus ejus semina deduxerunt, quam in juveni-
bus ac viris, maximè verno ac autumnali tempore.*

Senes quia caloris nativi defectum majorem patiuntur,
quàm juvenes, a pepsis magis sunt obnoxii, ac propterea causis
Scorbuti, à coctionis vitio dependentibus, minus promptè resi-
stere possunt; sed sæpius succumbunt. Idem de *sexu fœmineo*
sentiendum, qui & ipse, paulò frigidioris naturæ humorem
feculentum ac tartareum, indeq; hujus mali causam promptius,
quam par est, in corpore admittit, ac p. n. accumulatur: præsertim
consuetis aliàs evacuationibus suppressis. Nec parum hîc valet
nativa dispositio, à semine parentum scorbuticorum inquinato,
oriunda. Ab hoc enim uti omnia membra, ita etiam coctionis
viscera formantur, ipsiq; aliquo modo similia redduntur: Un-
de levi de causâ malum admittunt, ac propterea curatio nisi ex-
quisi-

quisitissima sit, parum efficax est. Sublatâ enim causâ, per medicamenta idonea, cito novam propullulare consuevit ac dispositum corpus facit. Verno autem tempore tum alii, tum vel imprimis melancholici morbi, ad quos etiam Scorbutum referimus, frequentiores sunt: Quia tunc omnes humores, tam in corpore humano contenti, quàm extra illud existentes, ut etiam in aquis ac spiritibus destillatis quibusdam apparet, moventur ac turbantur, noxiorumq; à bonis separationem intendunt; unde morbi occasio hoc potius quàm alio tempore oritur. *Autumno* calor aestivus interruptitur, & ad frigus hybernium deducitur, ac propter hanc aeris mutationem humores non nihil irritantur. Hore ejus matutinae, frigidiores plarumque, cutis poros claudunt, atq; insensilem transpirationem impediens humoribus noxiis crassisq; generandis ansum præbent. Meridie v, calor, nonnunquam satis intensus, superiès, sudoribus, partes tenues & aquosas evocat & absumit, ac ita reliquias adurit. Adustra autem partes scorbuticæ existentes & ab humore diluente & acrimoniam ejus obtundente deserte, tum demum hominem molestiâ afficiunt, & *duâ* suam, ut vocat Hippoc. in conspectum producunt.

XLIX.

Qui naribus sanguinem emittunt, in cruribus maculas plarumq; habent, illæsis gingivis.

Observavit hoc Wierus. Sanguis enim Scorbuticus, qui alias gingivarum carnem subiisset, ubi ad nares derivatur, per eas viam invenit, illasam dentium sedem, sibi vicinam relinquit.

XIX.

Crurum maculae, quò propius ad lividum, atrumq; colorem accedunt, eò perniciosiores sunt: Præsertim si in ulcera aperta abeunt. Difficilimè enim sanantur.

Lividus atque niger liturarum, in tibiis, color humorem, à quo oritur, Melancholicum, atrum, adustum, malignum, atque exinde pertinacem arguit. Quâ de causâ, si in ulcera istæ maculae degenerent, curam difficilimè admittunt. Nam ipse Hippocrates ulcera atra biliaria periculosa vocat. Hic enim humor, præ-

terquam quod suâ naturâ est valdè pertinax, & ad alterationem ineptus, etiam peculiarem malignitatem scorbuticam obtinet, ac propter salis tartarei admitionem acrimoniam habet insignem, quæ ulcus erodit, topicorum vim infringit, cicatricemq; vix admittit. Sæpè gangræna tam vehemens supervenit, ut etiam ferrum immissum non sentiat: teste *Wiero pag. 8. de morb. incogn.*

XX.

Gingivarum tumor atq; erosio, nisi in tempore præcaveatur, carnem omnem vicinis in locis ad ossa usq; absumit, & os, tandè omnibus privat dentibus.

Humor scorbuticus, acri malignoque vapore imbutus, oris regionem mollem ac laxam invadens, eam non facile deferit; sed potius à communi suâ sede, ex abdomine, mediante sanguine, commeatum satis amplum recipiens, vires sumit quotidie ampliores. Durante autem causâ, etiam effectum continuari necesse est, usque dum tandem locus affectus gangræna correptus, præsentissimum periculum ipsis oculis subjiciat.

Hiscè peractis jam ad curationem respiciendum est.

XXI.

Cum symptoma, manente suâ causâ, tolli non possit, causæ remotio primò omnium intendenda est, atq; eò laborandum, ut Melancholicus, salsus, adustus, tartareus, & suo modo corruptus humor ex primis viis totoq; corpore eliminetur, prava dispositio tollatur, deficiens coctio & τὸν νεύρον τῶν σιγῶν salis compensetur, corruptio scorbutica inhibeatur, tartareorumq; humorum generationi ampliori ansa omnimodè præscindatur.

Purgationem quod attinet, nisi malum recens adhuc sit, eam unâ vice absolvere non licet. Materiâ enim morbificâ, ubi jam

in varias corporis partes se insinuavit, cum haud rarò valdè esse pertinax soleat, adeo fortem purgationem, quæ ad eam totam, uno impetu exterminandam sufficiat, ferre nullo modo potest, sine præsentissimo syncopes, pectoris angustia, suffocationis, vel alterius mali, periculo, ut multoties observavit Eugalenus & alii.

XXII.

Itaq; opera danda, ut natura, quò causam morbificã eò promptius expugnare queat, onere suo quocunq; modo nonnihil sublevetur: quod, si adest Plethora, & Sanguis non tantum qualitate, sed etiam quantitate peccat; venasectione tentandum; & quidem mox à principio, dum eam vires adhuc ferre possunt.

Ne autem sanguine emisso, succi crudiores è primis viis in ejus locum succedant, eumq; confertim inquinent; lenitivum, quod humores vitiosos atque adustos, primum obvios, blandè è *Lenientia* corpore educat, præmittimus. Paretur ergò tale, *ex fol: sena, polypodio, fumariâ, Elect. lenit. de Manna, Diacatholico & simil:*

XXIII.

*Vena se-
ctio.*

Administrato ita prius lenitivo, scalpello lato vena aperiatur, parumq; sanguinis è Mediana vel basilica alterutrius brachii emittatur.

Utriusque enim, epate mediante par est ad affectum locum respectus. Scalpellum autem latum Wierus usurpari vult, ne è vulnere nimis angusto, subtilior sanguis profiliat relicto vitioso; sed ut per incisionem majusculam, etiam crassiores ejus partes penetrare possint. *Parcè* sanguis evacuetur; ne vires magnam vim patiantur, & causæ scorbuticæ tandem succumbant. Quod si natura per alias vias, menses, hæmorrhoides, potius quàm per v. s. sanguinem evacuare tentet, non impedienda est; sed legitimis remediis adjuvanda.

XXIV.

His peractis, ad causæ remotionem propius acceden-

*dendum. Preparatâ ergo prius materiâ evacuan-
dâ, Purgatio instituatur.*

Si ullibi locum, illud Hippocratis, habet, quo *εὐποα* cor-
pora purganda reddere præcipit, certè hoc in affectu locum in-
venit: cum, ut dictum, purgationes fortiores nequaquam ferat
scorbutus; levioribus autem humor tam pertinax non cedat,
nisi prius ad motum legitimè dispositus fuerit. Digerenda
itaq; materia iis medicamentis, quæ pro Melancholicis adustis
atque ichorosis humoribus vulgo usurpari solent, & sine multa
commotione concoquunt: qualia sunt; *rad. polypdii, asari,
glycyrrhiza, oxylapatbi, enulæ, irid. cort. radic. cappar. Scolopend:
tamarix, cuscuta, capill. vener. beton. orig. hyssopus, chamad: thy-
mus, epithymus, sem. anisi, fenic. agni casti, urtica, cremor, & cry-
stalli tartari, tartarum vitriolatum, syr. de quinq; rad. de eupat: de
absinthio.* Adduntur utiliter quædam ex iis, quæ tartarum scor-
buticum efficacius attenuare, in spirituosam quasi raritatem
resolvere, & sic utilibus partibus ab inutilibus separatis humo-
ris coctionem atque excretionem potenter adjuvare valent.
Hujus generis sunt ea, quæ hætenus occultâ proprietate scor-
butum pellere credebantur, & omnia salem volatilem copio-
sum continent, quò fixum alterare, sibiq; similem reddere pos-
sunt, ut paulò post dicetur. Hic ergo magni usus esse pot-
est *Aqua Scorbutica & aperiens Cl. Dn. Præsidis. l. 5. Inst. p. 3.
sect. 3. cap. 5. descripta, ut & illa Quercetani, quam pharm. dogm.
rest. c. 7. descripsit.* His & similibus, pro necessitate exigente,
sæpius usurpatis quando materia evacuanda, digesta, & ad flu-
xum, ac tutam facilemq; purgationem, disposita est, Institua-
tur evacuatio mitis, sine magna commotione; ex *Rad. Elleb. ni-
gri, polypod. fol. senæ, epithymo, Elect. lenit: diasenæ, conf. hamech,
Elect. Senato Renodæi, in dispens. August. pag. 59. descripto.*

Pulverem hunc, tam in hoc, quàm in aliis affectibus uti-
lem valde commendat. *VVierus de morb. incogn. p. 12.*

*R. fol. senæ Electiss. ʒj tartari albi ʒß, (huic utiliter sub-
stitui posset cremor tartari) Epithymi ʒij, Cinamom. cary-
oph. galang, anisi, an. ʒj Diagrydii ʒß. F. pulvis, cujus ʒiij vel ʒß,*

*Sero lactis, aq. fumar: vel simil. infusa, manè cum expressione cole-
tur & egro propinetur.*

Repetantur mites hujusmodi purgationes, interpositis
semper digestivis, ac præparantibus, quousq; humoris abun-
dantia idem præcipere videbitur.

XXV.

*Sublatâ hisce remediis, magnâ ex parte hu-
morum vitiosorum saburrâ, & sic naturâ magno
onere sublevatâ, causa ultrius profliganda est,
operaq; danda, ut ejus reliquiis, undiq; per viscera,
sanguinem, ac totum corpus distributis, remedium,
quantum fieri potest, è directo contrarium, parti-
bus scilicet volatilibus abundans, opponatur, cor-
ruptio peculiaris tollatur ejusq; propagatio inhi-
beatur.*

Dictum est supra thesi V. scorbutum dependere à sale fixo
ac tartareo, ex deficiente coctione ac πνευματώσει esculenti
salis, geniti: Unde ex Methodi Medendi legibus constat, ejus
remotionem, causæ quippè contrariam, consistere in salis sub-
tilis, ac volatilis usu, qui crudum tartarum corrigere, ac resol-
vere, ac deficientem ejus in coctione fermentationem, com-
pensare, obstructions, aliaq; mala inde orta aperire ac tollere
potest. Abundant autem sale hoc ex plantæ, quæ odorem ac
saporem subtilem, aerem, vaporosum, penetrantem &c. habent;
ut sunt *Cochlearia, Nasturtium utrumq;, Trifolium aquaticum,
Bekabunga, Absinth. Card. bened. Armoracia, Raphanus, sinapi,
Arum, Chelidonium minus, Vermicularis &c.* ex quibus decocta,
aqua, aliaq; medicamentorum formæ, pro cuiusq; libitu com-
ponuntur. Commodè quoq; usurpatur hoc decoctum, quod
*Clariss. Dn. Præses, de febr. l. 2. c. 17. describit. R. Rad. cichor.
℥j, armoracia, ari præp. an. ℥B, Cochlearia, Nasturtii aq. an. Mj,
Card. bened. fumarie, centaur. nim. absinthii an. Mi. In MB. va-
se diligenter clauso (ne spiritus salini volatiles, & cum iis præcipua*

*Medica-
mēta anti
Scorbuti-
ca.*

*vis antiscorbutica evanescat) coqu: in vini boni, vel feri caprini
s. q. F. potus, de quo eger singulis diebus haustum unum bauriat.
vel in hujus locum, ut ventriculo & palato consulatur, substi-
tuantur aquæ ex his destillatæ.*

Ad peculiarem corruptionem ac putredinem tollendam
& præcavendam, commodè frequenter usurpatur sp. salis & si-
milis, quæ ad eradicandam & impediendam eam momenti
quid habent.

Semper autem hîc attendendum est, quorsum materia AB.
morbifica maximè vergat, per quas vias, per alvumne, an per
urinam, an verò per sudorem natura illam externimnare con-
etur, ut remediis idoneis additis, adjuvari possit, sicq; conjunctis
viribus & medicamenta & natura contra morbum insurgentia,
palman eò maturius reportent.

Et hâc quidem ratione morbus ipse tractandus est; quo
remoto, etiam symptomata ut plurimum cessare solent, nisi al-
tas jam radices egerint, locumque affectum vehementer admo-
dum obsederint, & ex diuturna consuetudine jus sibi sumpse-
rint. Tum enim vel imprimis ad illa quoque respiciendum.
Ubi tamen ea dem ferè quam tradidimus, curandi ratio locum
habet. Hæc igitur quia nimis multa sunt ac varia, singula in
specie hîc non tradimus, cum instituti nostri ratio id non con-
cedat, & eadem satis diligenter ab Eugaleno, Wiero & aliis
proposita sint. Pergimus igitur ad Diætam, & ad præserva-
tionem & ad curationem scorbuti accommodatam.

XXVI.

*Scorbuto decumbens, aut ejus periculum me- Diata.
tuens, fugiat, aerem impurum &c. thesi 6. descri-
ptum; & eum potius eligat, qui cause morbi contra-
riatur, videlicet calidum moderatè siccum, ac
purum.*

Aer, non tantum in procreandis, verum etiam pellendis
morbis non paucis, sæpe est efficacissimus; cum ne momento
quidē eo careamus. Quemadmodū igitur aer frig. hum. squali-
dus,

duſ, ſcorbutum concitat, ac fovet; humores ac ſpiritus in corpore inquinando, coctionemq; turbando: ita contra moderate calidus, ſiccus, ac purus, effectu contrario, coctiones & digeſtiones in corpore perfectiores reddendo &c. ejusdem generationem impedit. Sit igitur aut natura talis aut arte, per ignem, ac fumum fragrantem, ex lauro juniperis, ſuccino, maſtiche &c. talis reddatur.

XXVII.

Inter cibum ac potum is maximè fugiatur, qui ſuccum præbet Melancholicum ac tartareum, qualem ſupra tb. 7. recenſuimus; contra eligantur cibi boni ſucci, minimè excrementitii, coctionis facilis; attenuandi, incidendi, detergendi, fixiq; ſalis coagulationem impediendi ac tollendi vim habentes.

Hujus notæ ſunt ptifana cremor, hordeum, juſculo gallinae vel pulli incoctum, paſſulis, thymo, roremarino conditum: Item carnes pullorum, gallinorum, phaſianorum, turdorum, piſcium ſaxatiliũ &c: quæ omnia aromatibus ad gratum ſaporem condiantur. Embammatum loco uſurpentur, rad. raphani, armoracia contuſi, cochlearia, naſturtium utrumq;, ſinapi &c. quæ omnia huic malo contrariantur & ad ſanitatem conducunt. Omnia acida, quatenus talia, imprimis acetum ſimplex, extremè fugienda, cum coctionem ac fermentationem impediunt & ad affectionem Scorbuticam diſponant. Potus, cibo qualitibus reſpondeat. Sit igitur vinum bonum, (ut & cereviſia) puriſſimum, abſinthio, Card. bened. ſcolopendriâ, hyſſopo medicatum; aqua pura, pellucida, ſerum lactis caprilli, in quo cochlearia, naſturtii, bekabungæ nonnihil ebullierit.

XXVIII.

Corpus commodo tempore imprimis ante cibum exerceatur, atq; opera detur, ne conſuetæ evacuationes ſupprimantur: Somnus & vigilia mediocres

diocres sint: Omnes tristes animi motus, quantum fieri potest, fugiantur; potiusq; licitis oblectamentis mens reficiatur; atq; studiosè in id laboretur, ut omnis rerum non naturalium usus morbi causis sit contrarius.

Quæritur hîc obiter,

- I. *Cur panis azymus difficilioris sit coctionis quàm fermentatus?*
- II. *Cur è musto ex uvis, aliisq; vegetabilibus spiritu aliàs abundantibus, spiritus, nisi fermentatio præcesserit, elici ac separari non possit?*
- III. *Quomodo ex vino fiat Acetum?*
- IV. *An ex aceto iterum possit elici spiritus vini?*

SOLI DEO GLORIA.



Ad Præstantissimum Literatissimumq;

Dn. MATTHÆUM BRENGGERUM

Medicinæ Studiosum, Amicum meum nunquam non honorandum.

QUOD BRENGGERE volo, non possum pangere.
Carmen

Nam tibi APOLLO omnis, sed mihi nullus, adest.

Suo

L. Mg.

M. ANDREAS ~~Herrenschmid~~
Facult. Philosoph. Adjunctus.



ALIUD.

Indolis alta tua vis est. Nam quicquid adornas,
Nec vulgare sapit, nec capit ingenium.

E


Et

*Et jam quis dubitat; quin sint exacta rotundè
Quæ de SCORBITO dis-tua Musa-serit?
Quin sint talia, qui dubitavit in omnibus olim,
Non dubitaturum judico Carneadem.*

Suo unicè caro capiti

l. m. adponebat

M. JOHANN. NICOL. SCHÜLIN
Gnodtstadio-Fr.



ALIUD.

PErdocti, BRENGGERE, patris benè culta propago,
Ritè facis, quod nunc æmulus esse studes.
Pœonias artes junxit, doctamq; Mathesin:
Exemplum hoc pariter te coluisse docet.
Indolis ingenita est tibi vis; hâc utere gnavus:
Ut possis Patrem postq; referre gradu.
Constituit SUMMUS titulos sudore parandos.
Qui nunc sentis onus; mox comes erit honos.

M. CHRISTOPHORUS KIRCHERUS
S. S. Theol. St.




ALIUD.

O Quantum decus est, ô gloria quanta labores
Conatusq; suis edere magnanimos!
Divitiæ pereunt, orbisq; caduca voluptas,
Gloria difficili parta labore manet.
Tu quia præ reliquis igitur conatibus audes,
Præclaris Sophia premere sacra tua;
Præsides Sennerto, qui splendida gemma Sophorum,
Atq; artis Medica duxq; caputq; sagax.

Hinc

*Hinc tibi contribuent victricis premia palma
Musa, quæ Doctis contribuiffe solent.
Pol, benè respondes patriis, Doctissime, votis,
Ac inter Medicos laus tibi magna manet.
Fac pergæ alacri curâ, clypeumq; tenaci
Fac tractes palmâ, dulcis Amice, tuâ
Sic ventura tuum tollent ad Sidera nomen,
Secula, sic Medices munera grata feres.*

M. Johan. Albertus Steinmüller/
Augustanus, SS. Theol. Studiosus.



A L I U D.

Nunc hyems exest nimis inquieta:

Picta nunc Veris facies refulsit,
Qualis exorti rediviva Phœbi
manè quadriga.

Magna, prædulci vice, Mater omnes
Corde mœrores juber exulare,
Et renascenti nitet ore, pulla
Veste remotâ.

Non gelu acudi genitura palans
Aëris, denso ruit hinc & inde
Agmine: ingenti nec humum recondit
Mole gelatum.

Sed plagæ Mundi variis coruscant
Rebus, & nostris liquidò sat oculis
Ingerunt primis loca nata Trinò
Numine, sæclis.

Jamque spem largi minitatur anni
Jamque sudorem Agricolarum amœnant
Arbuta, & campi & Cereris juventâ
Splendida culta.

Exprimit BRENGGERUS id ipsum ad unguem:

Æmulus verni jubaris, futuri
Æmulus verni uberis, ingenio almo
Percitus æstro.
Hactenus cautâ studiorum in umbrâ
Abditus, cæcos juvenum impotentum,
Risit ausus, præcipitesque abortus
Risit ubique.
Quos Studi Pestis malè sana, largè
Parturit: lusit fatuum brevemque
Imperum: sannavit eum unius vix,
Dedecus horæ
Donec & vires pariendi adessent
Vividæ, donec sibi polliceri
Et suæ posset soboli, morantes
Æviter annos.
Hinc fide subnixus adultâ adulti
Robotis, mandata solo laborum,
In vigorem in prænitidos adauctus,
Semina mittit.
Fœnus immensum egeniturus olim
Fructuum, quo (sic calidè præopto)
Perfruatur, cum patriâ, ipse, & ipsa
Terra polusque.

l. m. g.

M. Johannes Eberfen/
Ulmenfis Suevus.

F I N I S.